

DISPUTATIO JURIDICA
DE
REPRESSALIBUS,

Quam

Auxiliante Deoter Opt. Max.

Nec non

*Nobilissimo & Amplissimo Jctorum
Ordine permittente*

Sub Præsidio

Clarissimi ac Consultissimi Viri Dni

Theophili Bergmanni, U. J. Candidati longè meritis-
simi, Fautoris ac Præceptoris sui æviternum
observandi, colendi


*In inclutâ Hieranâ publicæ disquisitioni exercitiij gratiâ,
in acroaterio Saxonico ad d. 27. Julij
horis consuetis*


Proponit

Johannes Georgius Rellner Jehnâ Thur.

Typis Friderici Melchioris Dedekindi

Anno Salutis 1650.





Bono cum DEO.

Perverſa atq; corrupta humani generis poſt lapſum natura , qvamvis ei ab ipſo Juſtitia ac Legum fonte certa vivendi norma præſcripta fuerit , ſua tamen improbitate multis alijs ac plurimis oriundi præbuit anſam, ita ut ſucceſſu temporis & urgente hominum pravorum malitia, nec non ſvadente neceſſitate publicâ, ipſi Legislatores propter eorum intractabilitatem nonnihil à naturali æquitati recedere fuerint coacti. Cum enim ſatis perſpicuum atq; manifeſtum, mortalium improbitatem majorem eſſe, qvam ut ſola benevolentia naturali in officio retineri poſſit, itaq; Jctus *in l. 16. §. ult. ff. de pæn.* permittit, ut etiam conſtituta delinquentium pœnæ ac præſcripta maleficiorum ſupplicia exacerbentur in terrorem aliorum, qvando nimirum multis graſantibus exemplo opus ſit. Et revera, hoc non juris, ſed ipſorum hominum vitio fieri, omnimodò dicendum, neq; ut iniqua talia proclamitanda ſunt, cum & juſtitia, & humanæ ſocietatis conſervandæ gratia, ſint introducta. Licet enim qvadam ſtatuta ac permiſſa primâ fronte iniqua & à naturali æquitate longè remota videantur, re ipſâ tamen exactiùs ponderata, cum homines aut ſupinâ qvadam negligentia aliarum neceſſitatibus inſervire ceſſant, aut vi vel fraude aliorum jus intervertere conantur, nemo ſanæ mentis non affirmabit, ipſis jure talibus accerbatis in ſubſidium ac patrocinium juſtitia introductis occurrendum, cum duro nodo, durus qvoq; ſit qvarendus cuneus. Exemplum nobis haud poſtremum offert ſeſe jus Repreſſalium, qvòd, qvia ulcerofiſſimis hiſce temporibus, in qvibus qvisq; ſuo lubito ſummum illud, juſtitia tribunal ſcilicet ſup-

A 2

primere,

primere conatur, non tantum frequens & utile, sed & maxime
necessarium, ideo ejus materiam pro viribus ingenioli tractan-
dam & publicæ disquisitioni subjiciendam in me suscepi: Ne i-
gitur illotis manibus, quod dicitur, rem aggrediar, Deum ter
Opt. Max. supplex peroro, ut Spiritus sui sancti gratia mihi ad-
esse, conatumq; meum benigne juvare non dedignetur. Sit i-
taq;

THESIS I.

Repressalia (a) sunt oppignorationes (b) Rerum vel Per-
sonarum extranei territorij, ob protractam vel dene-
gatam justitiam pro debito vel delicto (c) concessæ à
Magistratu læsi seu actoris.

a) Qui materiæ cuidam operam daturus, ante omnia ex-
emplo J Cti l. 1. ff. de just. & jur. ejusdem denominationem un-
dè descendat, sibi arripiat. Repressalium autem derivatio à
varijs varia profertur, quidam enim deducunt illa à represen-
tando, quod nempe dementi representent personas eorum qui
justitiam actori denegarunt. Coler. proces. exerc. p. 1. c. 2. n. 305. a-
lij à reprædando, Dambaud. prax. crim. c. 98. n. 1. alij aliter, quos
brevitatis studio præterimus. Nos verò alijs & præcipuè illis,
qui hoc vocabulum adeò barbarum, latinitatiq; prorsus incon-
veniens proclamitant, rejectis, magis huic & quidem veriori o-
pinioni assentientes, quia alias nomina suis convenire solent
rebus, dicimus Repressalia à supino repressum deduci, quem-
admodum sponsalia à supino sponsum: ut enim à rei producti-
one sponsalia dicta sint, moris namq; erat veteribus stipulari,
sibiq; futuras uxores spondere l. 2. ff. de sponsal. undè deinceps
sponsi ac sponsæ appellatio profecta l. 3. ff. d. t. Ita quoq; Re-
pressalia, quia eorum subsidio exterorum contumacia & teme-
raria audacia, nec non judicis justitiæ sacra violentis violentia
reprimatur res scilicet eorum, ubi judicij administratio nobis
occlusa fuit, oppignorando, vel ipsos externos detinendo, abi-
sporum

psorum proprietate non immeritò appellantur. *Jobann. Möllerus inclusæ Hieranæ Prof. publ. Præceptor ac Promotor meus summâ animi observantia perpetim suspiciendus in Dissertat. suâ de Jure Repress. tb. 1.*

Aliàs, sed magis improprie, vocantur Clarigatio, cujus usum *Lib. lib. 8.* describit, quod Viliterni trans Tiberim habitare jussi sint, ut ejus, qui eis Tiberim deprehensus esset, usq; ad mille pondo Clarigatio esset: Alij referunt, clarigationem fuisse, cum feciales res raptas clarâ voce repeterent. *Plin. l. 22. c. 2.*

Item Diffidatio, Græcè ἀνδοβολισία quæ potissimum cum Repressalibus convenit, quod æquè in illis, quàm in his personarum innocentium prehensio fiebat, & in casu requisitæ justitiæ pro delicto tantum (& in hoc differunt, Repressalia enim simul pro rebus competunt) aliorum concedebantur. Item Marcha seu jus Marcæ vel Marqvæ, *Arum. de jur. publ. disc. 8. tb. 1. vol. 2.* quia plerumq; in limitibus aüss den Marckten exercentur *Bod. de Repub. lib. 1. c. 10.* unde Gallis le Droit de Marqve appellantur. Anglis, Saxonibus Withernamium à Germanico Weiternehmen oder Wiedernehmen / in qua denominatione ijs haud sunt abssimiles, qui à Gallico Reprendre vel repripi, quod aliud pro alio accipere denotat deducunt, *Job. Gregor. 38. syntag. 8. n. 4.* Vernacula autem lingua Behde/ Rechtliche Heumung/ Aufshaltung/ Kummer außländischer Güter und Persohnen/ als da einer für den andern / und eines Gut für des andern Gut gefangen und verhaßet wird. *Besold. in tb. pract. lit. R. n. 33.* quæ variæ jamjam enumeratæ denominationes, quia variè etiam inter se differunt, earumq; differentia passim apud Autores inveniri possunt, præcipuè *ap. Pet. Frid. Mindan. lib. 1. de process. c. 46. n. 2. 53. Arum. d. 1. tb. 7.* brevitatis ergò eas omittimus.

A quibus populis autem Repressalia sint introducta, cum interpretes non consentiant, laterem lavare arbitror, de his, quæ adhuc in quæstione sunt & rem minimè promovent, amplum

plum constituere campum, sufficit ergò, quod sciamus, eorum
 usum non tantum antiquissimum secund. *D. Martin. Digest. no-
 viss. t. Repress. tom. 2. c. 1. Bart. in pr. tr. de Repress.* sed & omni ju-
 re licitum ac permissum. Quemadmodum enim Jure Divino
 propter injustitiam Domini, Deus aufert regnum, & dat Genti
 justitiam administrandi *Esa. 30. Matth. 21. v. 43.* ita in casu Re-
 pressalium potestas judicandi Magistratui, justitiam recusanti,
 aufertur, & ipsi Actoris Magistratui conceditur *Arum. d. l. 1b. 1.
 Coler. process. exec. part. 1. c. 2. n. 272. Magnificus Richterus Com.
 Pal. Caesar. J. C. us famigeratissimus P. P. ac Facultatis Jurid. in almâ
 Salanâ Senior eminentissimus, Dn. Patronus ac Promotor meus sum-
 mâ animi observantiâ atatè colendus, in expositione Auth. C. ne fili-
 us pro patre. Dissert. 4. pag. 3.* Deinde Jure Canonico *c. 23. q. 2.*
 quoq; permittitur, quod propter delictum administratorum &
 gubernatorum puniatur tota provincia, ut in *C. non est X. de
 spons. C. in summa 1. q. 4. & c. 24. q. 3.* & idè ex culpa Regentium
 poterit capi & detineri homo liber invitus pro debito pecunia-
 rio *c. ex rescript. de jur. jur. Col d. l. n. 274.* Naturalis ratio hoc
 quoq; s'vadet; sicuti enim bella jure naturæ, ut pax retineatur,
 sunt introducta *c. 2. Inst. de J. N. G. & C.* ita etiam Repressalia
 justam habent belli speciem *Heig. p. 1. q. 12. n. 1.* & adversus eos
 cum quibus bellum gerere possumus, institui queunt *c. 23. q. 25.*
 Neq; jus Civ. in his absconum reperitur, ubi enim copia judicis
 haberi nequit, licet nobismet ipsis jus dicere *l. 54. C. de Decur. l.
 10. §. si quis debitorem. ff. de his qui in fraud. cred. l. 14. de Judicis &
 Calic. l. 7. ff. de incend. ruin. naufr. l. 7. §. ff. quod vi aut dam. Si-
 gitur in defectum judicis aliquis sibi ipsi jus dicere potest, mul-
 tò magis actor cui justitia à Magistratu Rei iniquè denegata fuit,
 cum consensu sui Magistratus Repressalibus uti potest. Ex jam
 dictis optimè eliciendum, Repressalia nullo modo repudianda,
 sed ut summè necessaria toleranda ac defendenda. Verum nos
 non absolutè sed certis conditionibus hoc defendere conamur,
 si scilicet justa eorum requisita observentur de quibus in seqq. tb.
 dicemus.*

b) Rectè pignorationes dicuntur, latè autem, strictè enim sumpta differunt à pignoribus, quia Repressalia ob denegatam justitiam publica auctoritate & Principis superioris consensu conceduntur. Pignorationes vero ob turbatam jurisdictionem vel possessionem fiunt privatorum arbitrio. *Gail. 1. de pignor. n. 1. & 5. Coler. d. l. c. 2.*

c) Quia notissimum est non minus ex delictis quam contractibus obligationem nasci. §. 1. *inst. de Oblig. ex delict. l. 4. ff. de O. & A.* idèò Repressalia non tantum ob debita sed & delicta concedi solent. *Mynsing. obs. cent. 6. obs. 1.*

THESIS II.

Causa efficiens impulsiva Repressalium est notabilis læsio (a) alicui ab extraneo facta; ejusq; judicis justitiæ denegatio. (b)

a) Quæ in publicum redundare possit detrimentum: sicut enim temerè in acie versari, & manum cum hoste conferre, in manum quiddam & beluarum simile est *Cic. lib. 1. Offic.* ita quoq; ob exiguum quid, Reipub. tranquillitas turbari non debet, nec statim ad querelas ejus, qui se alicubi per injustitiam & injuriam læsum prætendit, hoc contentionis genus permitti. *Col. d. l. n. 316.* Hæc quidem ratione, quia Repressalia maximè extraordinarium remedium, quod jura in modicis non curant *arg. l. scio. ff. de restit. in integr. l. 9. §. fin. ff. de dol.* imò magis convenit aliquando subditum læsum communi aëre sublevare, quam Repressalibus uti. *Heig. p. 1. q. 12.* cum enim concessio Repressalium sit res magni momenti & magni præjudicij; propterea etiam in causa parvi judicij locum non obtinet: Sed hoc verum de jure, de moribus verò hodiernis fallit; ita ut non solum de re magnâ sed etiam modicâ pro ratione & qualitate personarum (pauperi enim maximum erit, quod diviti & affiduo modicum *l. legitimos ff. de legit. tut. Bart. in l. sui & suscepit §. 1. ff. de judic.*) Repressalia institui possint. *Arum. d. l. tb. 4. Cu- bacb.*

bach. cent. 3. dec. 2. q. 4. quod tamen ratione circumstantiarum, discretioni iudicis relinquendum.

b) Et hæc potissima est causa, quoties enim Actoris petitio injustis & varijs dilationibus procrastinatur (scil. per reum & iudicem,) nec res moram patitur; aut prorsus iustitia denegatur, æquissimè conceduntur, quia verò non sufficit iustitiam denegatam vel protractam esse, sed plura requiruntur, idèd in seqq. thesibus de illis erit exponendum. Hic saltem breviter differentia inter iustitiam protractam & denegatam est notanda: quamvis enim hæ duæ species summam inter se habeant cognationem, maximè tamen differunt *Ord. Cam. p. 2. n. 16. §. ult. Myns. 2. obs. 24. Gail. 1. obs. 28.* Quippe in protelata iustitia decernuntur promotoriales pro iustitiâ administranda, idq; interdum absolutè vel cum pœnâ ut intra certum tempus iustitia administretur. *Myns. d. 1. §. 3. obs. 82. n. 7.* In denegatâ iustitiâ verò Citationes & processus decernuntur. *Gail. obs. n. 6.* Est autem protracta iustitia hæc, quando dolosè differt administrare iustitiam, ita ut eo moram faciente bona debitoris deperdita fuerint, aut in Reipubl. aliorumve utilitatem conversa. *Mind. lib. 1. de proc. c. 49. n. 7.* Denegata verò iustitia est quando expressè suum officium impartiri recusat & actori iustitiam denegat; varios modos protractæ vel denegatæ iustitiæ *vid. ap. Mynseng. cent. 6. obs. 28. n. 5.*

THESIS III.

Materia sunt externi principis seu Magistratus iustitiæ administrationem denegantis subditi (*a*) eorumq; res (*b*) in diçione actoris seu spoliati existentes.

a) Ante omnia requiritur ut is, contra quem repressalia conceduntur, sit extraneus, hinc concludendum contra proprios subditos & concives non dari, quia alijs modis & remedijs eis satis consultum est, quilibet enim subditos suos compescere potest, & cum ordinaria non desint, adversus subditum extrajurisdictionis

ordinarijs procedere non licet. *l. 13. §. 3. ff. de Usufr. l. in causa 13. ff. de min. Bart. in l. in provinc. §. si v. ff. de oper. nov. nunciat. Cubach. d. l. fol. 62. Nov. 52. c. 1. l. un. C. ut nullus ex vican. Soli igitur extranei extraordinario hoc remedio constinguntur, & regulariter omnes, qui non singulari quodam privilegio vel jure Gentium sunt muniti. Quales sunt Studiosi *Auth. C. ne filius pro pat. qvibus Imperator speciali sua constitutione consulere voluit, ita ut non tantum illi soli, sed & eorum nuncij & generaliter omnes, qvibus sine dispendio suorum studiorum, carere nequeunt, sint exempti. Arum. d. l. th. 3. Magnif. Richterius d. l. Dissert. 4. ab initio; etiam ij qui Studiosos visitant. Rebuff. tr. priv. 150. Cubach. d. l. q. 4. in fin. Quod tum demum verum est si summa necessitatis causa id faciant, alias enim vix contra jus Repressalium se tuerentur. Item ad Nundinas (maiores scilicet seu solemniore, quæ ex concessione Principis certis temporibus celebrari solent, non verò minores quas quisq; Magistratus instituere potest, (quæ gewöhnliche WochenMärkte vocantur) proficiscentes *l. un. C. de Nund. illius loci Nundinarum respectu, & si Princeps saluum promisit conductum Arum. d. l. sic muniti reperiuntur hoc jure Ecclesiastica personæ c. unic. de injur. in sexto. Jure Gentium sunt Legati & Ambasciatores qui sancti & inviolabiles dicuntur l. 8. ff. de Rerum Divis. l. fin. ff. de legat. imò etiam in Civitatibus per quas iter faciunt pro rigore Repressalium tuti sunt d. l. fin. l. 2. §. 3. ff. de jud. qvibus annumerantur Citati seu in jus vocati per d. l. 2. unde enatum proverbium: Eine jede Citation bringet das Geleit mit sich. Deniq; omnis turba imbellis foeminarum, infantium, eorumq; omnium qui in jus vocari nequeant *l. 2. l. 22. in pr. de in jus voc. de qvib. in Reform. Francos. Anno 1342. art. 4. Wer in offenen Sachen &c. reform. Aug. Anno 1548. art. 7. Arum. d. l. th. 3.****

b) Illic notandum, licet non tantum res & bona exterorum sed etiam ipsa personæ capi possint, & jure Repressalium coerceri, tamen Repressalibus simpliciter concessis, ad bona

& res comprehendendas potius concessa intelligantur, quam ut potestas personarum detinendarum facta credatur *Heig. 2. p. 1. q. 12.* Quemadmodum autem supra diximus, quasdam personas immunes esse à Repressalibus, nunc quoq; dicimus, quod & res earum propter favorem prædictarum personarum tutæ sint, nec jure Repressalium detineri possint. Nam licet à personis res sint separabiles, ipsum tamen privilegium conjunctim aliquando personis & rebus conceditur *Bart. q. 8. n. 1. & 2. Jacob. à Canib. suo tr. de repress. n. 15.*

THESIS IV.

Materiam subsequitur forma, quæ quasi rerum gestarum facies & fax est, quæ in his præcipuè consistit, ut Læsus sive actor (a) tempore licito (b) judicem Rei adeat, ejusq; opem imploret (c) & si judex Rei justitiam expressè denegaverit (d) proprium accedat Magistratum (e) & literas repressalias petat (f) quæ antequam datur, actor denegatam justitiam probare tenetur. (g)

a) Quoniam non omnibus jus Repressalium conceditur, idcirco qualis actor esse debeat, breviter dispiciendum. Debet autem is esse subditus illius Magistratus à quo Repressalia petiturus, non tantum incolens Remp. sed & onera sustinens, *Excellentiss. Möllerus d. Dissert. de jure Repressalium tb. 4.* incola enim qui non subit onera Civitatis, si ex contumaciâ non subeat, jure Repressalium gaudere non potest, contumaciâ namq; puniendâ *l. 36. ff. de excus. neminiq; dolus suus prodesse debet l. 26. ff. de R. V. l. 1. §. 1. ff. de dol. mal.* Secus autem in illis qui privilegio quodam sunt muniti quo minus subeant, seu qui actu illud non faciant modo sint parati, cum per ipsos non stet quo minus subeant *l. jur. Civ. ff. de condit. & demon. Arum. d. l. tb. 3.* Hinc colligitur Bannitos, quia sub nullius protectione sunt, hujus remedij participes non esse cum etiam injustitia ipsis facta dici non

non possit *l. 5. §. 1. ff. de cap. minut.* imò ut hostes imperij denunciati odio extremo sint prosequendi. *Gail. obs. 2. de Pign. c. 1. n. 23. c. 12. n. 14. c. 15. n. 8.*

b) Non enim quovis admittuntur tempore. 1. Nundinarum *l. un. C. de Nundin.* & ibi *Br. Bl. & Salicet. Const. Saxon. p. 1. qvæst. 30. in fin.* propter utilitatem publicam ex Nundinis profluentem. Nundinæ enim terram impingunt *gl. in d. l. un. &* idè quod in publicam vergit utilitatem, illud privatorum patet infringere non debent *l. 27. l. 45. §. 1. ff. de R. J.* 2. Diebus feriatis ob honorem Dei institutis *l. 6. C. de ferijs.* inde etiam citatus die feriato comparere non debet *per gl. fin. in verb. nec prædicta in c. bon. a. & 2. de elect.* nisi consuetudine & statuto aliud observetur: quod autem alijs ferijs, ut sunt Repentinæ & Rusticæ, Repressalia locum habeant, testatur *Tusch. concl. 200. n. 6.* 3. Tempore quo debitor solvendo non est, cessante enim causa detentionis vel prehensionis, cessabit etiam ipsa prehensio, frustraneaq; esset juxta vulgare: *Wo nichts ist/da hat der Kaysr sein Recht verlohren.* nisi bona debitoris fraudulenter subtracta fuerint. *Magnif. Richter. Exposit. dict. Auth. dist. 4.*

c) Semper actor forum rei sequi debet *l. 2. C. de jurisdiction. omnium jud. & de for. comp.* neq; iudex officium suum impartiri debet si non fuerit petitum *l. 4. §. 8. ff. de damn. infect.* Hinc iudex nondum requisitus negligens dici non potest. *Gail. lib. 1. obs. 28. n. 4.* non entis enim nullæ sunt qualitates, & ubi deficit subjectum non potest dari qualitas vel accidens *l. 23. ib. Bal. C. de prob.* nemini etiam ignotum illud: *Wo kein Kläger ist da ist auch kein Richter.* Non autem nuda ac sola iudicis requisitio sufficit, sed ultra requiritur ut debitum sit liquidum, quamdiu enim de debito litigatur, illudq; nondum factum est liquidum, tamdiu etiam repressalibus, alias jure concessis, uti non licet *Wesemb. vol. 1. consil. 46. n. 21. Dambaud. in prax. crim. c. 98. n. 11.* quia iudex cui non liquet, nihil mandare *c. solet. in fin. de sentent. excom.* neque exinde negligentia argui potest.

d) Expresse iudex se declarare debet, se actori officium adhibere nolle, ita ut nulla spes iustitiæ consequendæ residua sit.

Q. An autem sufficiat iustitiam à iudice denegatam fuisse, non inconcinne hic quæritur? R. Distingvendo; aut iudex superiorem recognoscit, aut non; priori casu affirmativam tueri conamur, quia ubi superior præstò est, ad quem haberi potest recursus, quique debitorem, vel etiam iudicem ad officium cogere possit, repressalibus uti non est licitum. *Col. proc. exec. p. 1. c. 2. n. 316.* via enim iustitiæ adhuc patet, & ab inferiori ad superiorem recursus sumi potest. *argr. l. si alius §. bellissime. ff. quod vi aut clam.* Quando autem ipse superior iustitiam quoque denegat, tunc extra dubitationis aleam positum est, quin Repressalia institui possint. *Col. d. l.* Posteriori itaque casu id affirmare non veremur, cum in subsidium ultimum iustitiæ denegatæ sint introducta repressalia. Verum hodiè de consuetudine jam relata distinctio non observatur ut tradit *Mindan. lib. 1. process. c. 49. memb. fin.* Sed si iudex inferior iustitiam administrare recusat, statim ius Repressalium aggreditur, quod autem tutius & rectius agant Magistratus si illos pignorationes cum autoritate superiorum faciant, approbat ipse *Mindan. d. l.* cum abundans cautela non noceat.

e) Quoniam nemo se propria autoritate vindicare, nec sibi jus dicere debet, iudiciorum vigor, jurisque publici tutela in medio sunt constituta, ne quisquam sibi ipsi ultionem permittere valeat / 14. *C. de iudic.* nec minoris improbitatis referre injuriam quam inferre, imò detestabilius, idcirco læsus seu actor quoque propria sua autoritate ubi repressalibus uti non potest, nisi hoc jus ipsi à suo Magistratu sit concessum. Si igitur iudex Rei, Actori iustitiam requirenti denegat, aut æquo diutius differt, aut dissimulat, Actor proprium accedat Magistratum, ejusque opem, juvamen ac patrocinium implorans petat, ut sua & quidem publicâ autoritate & gratia ipsi literas concedat, ad illum iudicem, pro iustitia administranda & facienda bono-

rum

rum restitutione: si nunc secundo differt, aut denegat iustici-
am, tunc literæ repressalia petuntur, quibus actori datur pote-
stas, à quibusvis illius externi Magistratus subditis in sua ditio-
ne existentibus recuperationem bonorum facere, eosq; com-
prehendere & bona ipsorum arrestare, sistere & divendere, do-
nec sibi ad summam debitorum sit satisfactum. Nunc haud
parum controversa nec non varijs Dd. sententijs involuta ac
sapientius agitata sese offert quaestio: An nimirum jus Repres-
salium à solo superiore non recognoscere peti ac con-
cedi debeat? Et quancquam non desint, qui id absolutè affir-
mare non verentur, cum Repressalia sint species belli *Heig. p. 1.*
q. 12. n. 2. belli autem indicendi potestas supremæ sit Majestatis
l. 3. ff. ad L. Jul. Maj. Ord. Cam. p. 2. t. das; wieder die C's. Reinkingg.
lib. 2. cl. 3. c. 1. n. 8. Ita etiam Repressalia ad modum & æquita-
tem bellicam à Superiore concedenda essent; quod quidem in
totum negare nostri instituti non est. Veruntamen hæc quo-
niam hodie non absolutè sed cum temperamento intelligen-
da. Nos (in. ferè perversam) consuetudinem, quæ optima legum
interpres & rerum magistra ac Domina *Gell. 22. noct. Att. 13.* sequi
cogimur, dicentes: Electores, Principes & alios Magistratus li-
beram Reip. administrationem habentes Repressalia permit-
tere posse, *Magnif. Richterius in exposit. Aut. C. ne filius pro patre*
Dissert. 4. p. 70. in med. Emmeric. à Rosbach prax. civ. tit. 3. de for.
comp. n. 70. p. 47. modo illorum circumstantiæ ac requisita dili-
genter observentur *Arum. de jur. pub. disc. 8. tb. 2. vol. 2. Cubach.*
cent. 3. dec. 2. q. 2. Quoad modum enim bellum ab inferiore su-
sceptum, si periculum in mora & superioris copia haberi ne-
quit, non improbat, cum melius sit in tempore occurrere,
quam post exitum vindicare *l. 1. C. quando lic. unicuiq. l. ult. C. in*
quib. caus. in integ. ne contingat id quod olim Romanis expo-
bratum: Dum Romæ consultatur, saguntum expugnatur, vel
injuriæ passus moratoria & delusoria comperendinatione

circumducatur ac lactetur, nam & tunc non expectato Principis
jussu arma sumenda esse tradit *Frideric. Schenck à Tautenberg in*
c. un. in pr. 2. Feud. 28. Eadem ratione Repressalia, quæ justam
belli speciem habent, ut supra dictum, permitti possunt *arg. l.*
21. ff. de R. J. Deinde consuetudine id satis approbatur, cum
enim consuetudo, quæ cum æquitate summa conjuncta, quæ
frequenter in eodem controversiarum genere *l. 1. C. de Leg. usu*
longævo l. 2. C. d. t. & diurno l. 33. ff. de Legib. observata non
immerito sit probanda, sed & pro lege custodienda *l. 32. ff. d. t.*
ita & hæc Repressalium consuetudo, quæ non saltem plurimum
in se continet æquitatis, (dum ipsum ad justitiam præbet adi-
um & judices fideliter admonet, ne subditis magis in causa
malâ quam exteris in bona faveant, & ad distribuenda omnibus
jura excitat) sed & omnibus bonæ ac justæ consuetudinis requi-
sitis munita, quin sit probabilis, nemo sanæ mentis negabit,
cum etiam consuetudo fori derogare soleat juri scripto. *l. 3. S.*
fin. Et ibi Br. ff. de Testib.

f) Duplices actori à suo Magistratu ad Magistratum Rei
dantur literæ, quarum priores Promotoriales appellantur, quib-
us tantum externus judex ad promovendam & administran-
dam justitiam ac actionem finiendam à Magistratu Actoris ro-
gatur, quibus si jus impetrari nequit, posteriores quæ Repressa-
liæ, item oppignorationum codicilli. *Limn. de jur. pub. l. 4. c. 8.*
n. 323. item subsidiariæ literæ vocantur. *Tusch. lit. R. Pract. concl.*
198. n. 21. conceduntur, quibus jus exercendi Repressalia ipsi a-
ctori permittitur, quarum formam vid. ap. *Pet. Wesenb. in consf.*
17. n. 33.

g) Sicuti autem quilibet bonus ac diligens in officio
præsumitur: ita contra negligentia in judice regulariter
non præsumitur, nisi legitima requisitio sit probata. *Gail. lib. 1.*
obsf. 28. n. 4. Requiritur igitur vigore *Ord. Cam.* Denegatæ ju-
stitiæ documentum, quale autem illud esse debeat, variant in-
ter se *Do.* Quidam dicunt, quod creditor hoc probare tenea-

tur per publicum instrumentum *Gail. & Gilbauf. in arbore judi-*
ciaria c. 10. de proc. exec. §. 3. n. 47. Alij per juramentum par-
tis nempe actoris probari posse volunt, si persona alicujus auto-
ritatis esset, & de cujus vitæ actionibus probè constaret. *Myns. 3.*
obs. 58. Quidam per testes fide dignissimos *Barz. q. 4. n. 14. &*
quidem in causa Civ. per tres, in Criminali verò per septem: in
spec. juris Saxøn. lib. 2. art. 22. Sed hoc uniuscujusq; loci consue-
tudini nec non discretioni judicis relinqvendum.

THESIS V.

Finis Repressalium est ut justitia constanter observatâ, Ac-
tori suum tribuatur.

Justitia enim sancta, quæ ad divinitatem ducit, quæ ubiq;
regnare debet, ne violetur, & illud, ipsa jubente, suum cuiq;
tribuendum, intervertatur ac denegetur, medium hoc valdè
necessarium introduxit, quo conniventia Magistratum ad
scelera & fraudes suorum malevolorum subditorum tollatur
Minz. d. l. c. 48. n. 4. c. 49. n. 21. & ejus edictum, suum cuiq; tri-
buendum, jure verum ac firmum permaneat. Gail. obs. 2. n. 2. ibi-
ne pereat justitia. & lib. 1. obs. 28. in fin.

THESIS VI. & ultima.

Effectus Repressalium est ipsa detensio personarum seu
rerum exterarum & per eam debiti vel injustè depræ-
dati recuperatio.


Impetratis literis repressalijs actor statim jus Repressali-
um exercere potest, modo captans personas, ne in pœnam in-
currat privati carceris, judici eas præsentet *Tusch. concl. 200. n. 4.*
Res quoq; judici tradat *Br. q. 9. n. 2. & 3.* qui per aliquod tem-
poris spaciū (quod, quoniam non determinatum, ideoq; mo-
ribus & singulorum locorum constitutionibus relinqvimus) e-
as detinet, in quò si satis fit Actori, res restituntur ac personæ
dimittuntur; quantum autem ad res attinet, si elapso posito
temporis spacio, debitor non comparet, tunc res seu bona ca-
pta

pta æstimata pro eorum qualitate venduntur, de quorum precio creditori satisfieri debet, deducto simul omni interesse, & impensis judicialibus. *Bart. d. l. n. 4.* quod autem superest, ipsi repressaliato reddi debet. *Mind. c. fin. in fin. Heig. d. l. n. 26.* Personæ autem tamdiu detineri possunt, donec actori satisfiat, ubi autem personæ detineantur, in arbitrio iudicis positum erit l. generali C. de Decur. lib. 10. *Mind. d. l. c. 49. n. 20.* Coronidis

Q loco quæritur, quæ actione detentus contra principalem debitorem agere possit? R. Dd., quod si principalis debitor existat solvendo, actione negotiorum gestorum, utili per l. quæ util. ff. de Neg. gest. *Oldendor. in clas. act. par. de Neg. gest. fol. 719.* adversus ipsum detentus poterit experiri, vel si statutis quid cautum, actione ex statuto arg. l. 1. ff. de cond. ex leg. Si verò debitor principalis non sit solvendo, Magistratum sibi detentus obligatum habebit, qui ipsi omne damnum cum capitali restituere tenetur *Arum. de jur. publ. disc. 8. th. 6.* & Hæc pro tempore sufficiant.

D.L.H.E.G.

Arefium quid sit, quid Repressalia Jura
 Ex cathedra pridem hic omnibus arte refert
 Ordine concinno scripti Cellarius Auctor,
 Ut promus conquis de locuplete penu.
 Celleri gratum Tibi dat tua Cella liquorem,
 Quæm bibere exoptat nostra Camæna quosq.
 Perge penu locuples fruiere & conquirere Legum,
 Hinc promicpandi nomen honore geres,
 Magnus eris, nonneq. tuum super astra vehetur;
 Augur, augurium ne sis inane precor.



In honorem pereximij Dn. Respondentis
 Amici sui verè dilecti Fac.

Erasmi.

Dic mihi, quid potius, quam diva scientia Juris,
 Eripiat tristi nomina nostra rogo?
 Ambiguum vulgus! certè res est operosa,
 Orbis nil melius, post sacra scripta, tenet.
 Hoc KELNERE probas, primum dum pulpita scandis,
 Astra lustras castra opulenta Deæ.
 Auspice BERGMANNO facies cum fanore fructus,
 Et nodos solves, præmia multa ferens.
 MaRe animo! & blandas Sirenum spernito voces;
 Max tribuer palmam virgo Minerva Tibi.

Amico suo candidissimo gratulabundus apposuit

Georg. Lautarbrunn, LL. Stud.